

欽定日下舊聞考卷七十六

國朝苑囿 暢春園

暢春園在南海淀大河莊之北繚垣一千六十丈有奇

暢春

園冊

臣等謹按

暢春園本前明戚畹武清侯李偉別墅

聖祖仁皇帝因故址改建爰錫嘉名

皇上祇奉

慈寧問

欽定日下舊聞考

卷七十六

安承

豫每于此停憩因在

圓明園之南亦名前園云

聖祖仁皇帝御製暢春園記 都城西直門外十二里

曰海淀淀有南有北自萬泉莊平地湧泉奔流瀾瀾匯

于丹稜泝泝之大以百頃沃野平疇澄波遠岫綺合繡

錯蓋神臯之勝區也朕臨御以來日夕萬幾罔自暇逸

久積辛劬漸以滋疾偶緣暇時于茲游憩酌泉水而甘

顧而賞焉清風徐引煩疴乍除爰稽前朝戚畹武清侯

李偉因茲形勝構爲別墅當時韋曲之壯麗歷歷可考
圯廢之餘遺址周環十里雖歲遠零落故蹟堪尋瞰飛
樓之鬱律循水檻之逶迤古樹蒼藤往往而在爰詔內
司少加規度依高爲阜卽卑成池相體勢之自然取石
甃夫固有計庸畀值不役一夫宮館苑籞足爲寧神怡
性之所永惟儉德捐泰去雕視昔亭臺邱壑林木泉石
之勝絜其廣袤十僅存夫六十惟彌望漣漪水勢加勝
耳當夫重巒極浦朝烟夕霏芳萼發于四序珍禽喧于
百族禾稼豐稔滿野鋪芬寓景無方會心斯遠其或稱
欽定日下舊聞考

稌未實暘雨非時臨陌以憫胼胝開軒而察溝澮占離
畢則殷然望詠雲漢則悄然憂宛若禹甸周原在我戶
牖也每以春秋佳日天宇澄鮮之時或盛夏鬱蒸炎景
爍金之候幾務少暇則祇奉

頤養游息于茲足以迓清和而滌煩暑寄遠矚而康
慈顏扶輿後先承歡愛日有天倫之樂焉其軒墀爽塏
以聽政事曲房邃宇以貯簡編茅屋塗茨畧無藻飾于
焉架以橋梁濟以舟楫間以籬落周以繚垣如是焉而
已矣旣成而以暢春爲名非必其特宜于春日也夫三

統之迭建以予爲天之春丑爲地之春寅爲人之春而易文言稱乾元統天則四德皆元四時皆春也先王體之以對時育物使圓頂方趾之衆各得其所跂行喙息之屬咸若其生光天之下熙熙焉皞皞焉八風罔或弗宣六氣罔或弗達此其所以爲暢春者也若乃秦有阿房漢有上林唐有繡嶺宋有艮嶽金釭壁帶之飾包山跨谷之廣朕固不能爲亦意所弗取朕匪敢希蹤古人媲美曩軌安土階之陋惜露臺之費亦惟是順時宣滯承

欽定日下舊聞考

卷七

三

顏致養期萬類之乂和思大化之周浹一民一物念茲在茲朕之心豈有已哉于是爲之記而系以詩詩曰昔在夏妣克儉卑宮亦越姬文勿亟庶攻若稽古訓是欽是崇箴銘戶牖夙夜朕躬棟宇之興因基前代巖宿丹霞檐棲翠靄營之度之以治蕪廢有沸泉源汪濊斯在駕言西郊聊駐綵旂甘彼挹酌工築斯謀瑩澈明鏡縈帶芳流川上徘徊以泳以游因出成峻就谷斯卑浴彼將作母曰改爲松軒茅殿實惟子宜亦有樸斲予尙念茲撰辰經始不日落成豈曰游豫燕喜是營展事

慈闈那居高明遐矚俯瞰聊用娛情粵有圖史藏之延閣惟此大廡會彼朱褱鬱鬱溝塍依然耕鑿無假人工渺瀰雲壑有鷁其舟有虹其梁可悅可涉于焉徜徉文武之道一弛一張退省庶政其罔弗臧嘗聞君德莫大于仁體元出治于時爲春願言物阜還使俗醇暢春之義以告臣鄰

聖祖御製避暑暢春園雨後新月詩 園亭氣爽雨初晴新月朧朧透樹明漏下微眠思治道未知清夜意何生

欽定日下舊聞考

卷六

四

聖祖御製暢春園觀稻時七月十一日也 七月紫芒五里香近園遺種祝禎祥炎方塞北皆稱瑞稼穡天工樂歲穰

乾隆六年

御製詣暢春園

皇太后宮問安詩 翠地青絲兩岸圍鷗波雲影漾朝暉輕舟喜近瑤池境芳甸初開玉版扉却憶

含飴心切切

暢春園係皇祖臨幸地也

每親

笑樂依依敬承孝治尊

家法長奉

慈寧禕鞠輝

乾隆七年

御製詣暢春園問

安

皇太后命觀園內所藝禾黍與與翼翼誠有秋也得詩

一首 占歲今秋好祈年午夜曾仙壺叨

澤渥寶稼應時登繡隴黃雲合芳園

懿賞憑泠泠朝露綴靄靄野烟凝宮府應無異農禾合

欽定日下舊聞考

卷十六

五

並稱艱難知稽事

慈訓敢欽承

乾隆九年

御製午日詣暢春園問

安詩 蒲岸河洲泛玉津銅龍雙闕問

安晨祇因憫雨遵

慈訓未敢稱觴答令辰

自春徂夏尙未得霑足雨澤瑤皇太后步禱于園內龍神廟

朕恐懼惴慄莫知所措夫以朕之不德上累

聖

黃

母憂勞違敢以節序酒食之饌盡承歡之小節平
幅龍舟閒浦淑綠枝虎艾綴楸楨分明舊歲端陽景饒

有新愁薄念頻

乾隆二十六年

御製詣暢春園問

安詩 雨中御園返敬為謁

思齋旋看

雩禋逮

初七日 雩祭預齋三日即當又還宮

又當法駕排詎辭勞玉轡

懼久濶

萱階奏對煙郊況端堪悅

懿懷

欽定日下舊聞考

卷七

六

乾隆二十八年

御製詣暢春園問

皇太后安詩 皇州冬尚暖仙苑景如春

溫清斯欣適

起居此敬詢率因成例事

通年以 皇太后喜居暢春園故自木蘭迴蹕雖因冬

令時 享還宮每間數日輒命駕問安冬至前始奉 皇太后還宮率成例事

已覺濶多

辰養

志吾心切那論來往頻

乾隆三十三年

御製旋蹕詣暢春園問

皇太后安詩 七日迅回鑾一心殷問

安膝前勝馳牘

途次命御前侍衛緘宮報請
安並進鮮佐

膳 几上定加

餐階影祥曦永林光瑞露溥春郊農况好奏對博

慈歡

乾隆三十五年

御製恭奉

皇太后至暢春園駐蹕作 遊覽田盤豫

聖慈東還將欲蹕西移

欽定日下舊聞考

卷六

七

萬年共喜長

康健三宿原應暫憩遲

駐蹕三日即啓駕往謁
泰陵因至天津

園裏桃

開雖不負樹頭風妬故如斯銓曹引見催明日兩字敬

勤吾勉之

又

御製端午日詣暢春園問

皇太后安卽事有作 龍潭親禱未昭靈例事龍舟概

與停逢節敢因疎

定省致齋仍復遣藩屏

命禮部按例
祇 太歲壇各遣官致祭請

天神

地

雨最憐出土禾將萎懶對插門艾自馨

懿訓肫然相慰藉益慙無以慰

慈寧

又

御製詣暢春園問

皇太后安作 昨夜雨誠大

慈恩免問安 十六日傳詣朝請 安因夜雨較大 皇太后差人止行謹遵 懿旨展緩

一日今晨晴更爽趨詣敬承

歡水殿夏宜清風疎浦正寬

欽定日下舊聞考 卷十六 八

康強綿福履錫類萬方觀

乾隆三十六年

御製端午日詣暢春園問

皇太后安詩 雨潤纔三寸日霑實自曷敢疎午日謁

那博

懿懷寬依例菖蒲戶懶看糞黍盤兩年闋慶節 午日例 奉

皇太后于御園觀競渡昨歲及今俱以 盼雨未展節事詣 暢春園問 安 調幕愧無端

乾隆三十七年

御製詣暢春園恭問

皇太后安遂駐御園卽事成什 暢奉養

志冀娛

親來往問

安年例循 每歲冬朕自圓明園進宮 聖母以風景清勝尚留園居至節近 萬壽進京朕間

數日赴暢春園問 安率駐御園信宿以便再修 遂定省凡來往三四次遂恭奉 慈駕還宮

駐御園期信宿適當子月景清真林無餘葉山有骨水

出平湖水入神傍晚西南雲氣重翹思其雪麥根皴

乾隆四十年

御製三月四日詣暢春園恭問

欽定日下舊聞考 卷十六 九

皇太后安遂啓蹕往盤山因成是什 問

寢詣晨朝喜瞻

健倍饒奏

聞將啓蹕兼告卽還輶 以十六日還駕 乘馬仍依舊尋詩若預

要省耕春有例以近可知遙

又

御製盤山迴蹕詣暢春園問

皇太后安因成是什 往來纔祇十餘日仙苑芳春花

綻皆迴蹕帶星發行館 是日寅刻卽從行宮啓行圖早問 安也 駐旌圖

曉謁

思齋最欣

超向精神健寧止

如常食履佳惟是捷音

頻繫問慙猶無以慰

恩懷

又

御製玉河泛舟由昆明湖往暢春園恭問

皇太后安詩 輕舸順流下片時平渡湖易輿行宛轉

欽定日下舊聞考

卷十六

十

前苑到斯須

暢春園俗亦謂之前苑以在圓明園南也

速進

興居啓歡承

恩顧殊愛同縱資事惟敬以將愉

乾隆四十一年

御製正月晦日詣暢春園問

皇太后安遂還宮之作

祭神

國朝最重 祭神每于春秋仲月朔行禮

祈社御經筵

二月初六日致祭 社稷壇應還宮齋戒并于初二日舉行經筵

禮也勅

躬各致虔行慶忽着正月過問

安遂以晦辰旋野舍宿潤麥衝露西隱韶光柳颺烟此
景較量誠鮮遇為欣然復為夔然

又

御製詣暢春園恭問

皇太后安詩遂駐御園有作 夏荷冬溫處總備

晝安夕宴事胥宜為去聲茲久駐欽承

志遂致頻來敬問

怡政務原無間以息人情要亦體而隨冬令晝短且寒朕若園居則奏

事來者必冒冷宵行數年來率以冬孟還宮而因之颯

往來問

安既不誤政亦體人情之一端也

欽定日下舊聞考

卷十六

景御園攬林色丹黃入畫時

臣等謹按

暢春園

御製詩謹繹有關紀述事實者恭載卷內餘不備錄

暢春園宮門五楹門外東西朝房各五楹小河環繞

宮門東西兩旁為角門東西墜牆門二中為

九經三事殿殿後內朝房各五楹

暢春園冊

臣等謹按

宮門懸

暢春園額殿內聯曰皇建有極斂時敷錫而康而色乾
元下濟虧盈益謙勉始勉終與

九經三事額皆

聖祖御書

二宮門五楹中爲

春暉堂五楹東西配殿各五楹後爲垂花門內殿五楹
爲

壽萱春永左右配殿五楹東西耳殿各三楹後照殿十

五楹

暢春園冊

欽定日下舊聞考

卷十六

三

臣等謹按

春暉堂

壽萱春永及西耳殿內額曰松鶴延年皆

皇上御書

壽萱春永聯曰璇閣香清露華滋蕙畹萱階晝永雲錦

蔚荷裳亦

御書

乾隆二十年

御製詣暢春園問

皇太后安詩 止林行慶奉

徽慈日日承

歡祝

介眉安樂歌中度華節禱卿雲裏

駐瑤池柳稊福地爭先發冰泮靈源不後期春永

壽萱 園中 皇太后所居殿名 香穗細民依政要奏移時

乾隆二十四年

御製詣暢春園恭問

皇太后安詩 平明傳蹕鳳城垣問

欽定日下舊聞考

卷十六

三

寢欽先詣

壽萱 壽萱春永 皇太后所居園中寢殿名也 數日興居懸紫禁

高年頤養喜仙園 皇太后喜園居故 奉養于此尙未還宮 便臨御苑消

清暇依舊明窻坐宴溫硯匣琉璃寧慮東每當觸興亦

形言

臣等謹按

暢春園

御製二詩爲

壽萱春永殿紀述事實之篇恭載卷內

照殿後側座殿三楹爲嘉蔭兩角門中爲積芳亭正宇
爲雲涯館館後渡橋循山而北有河池南北立坊二爲
玉澗金流門內爲瑞景軒軒後爲林香山翠又後爲
延爽樓三層九楹樓後河上爲
鳶飛魚躍亭稍南爲

觀蓮所樓左爲

式古齋齋後爲綺榭

暢春園冊

臣等謹按嘉蔭積芳林香山翠

延爽樓鳶飛魚躍

欽定四庫全書

卷十六

十四

式古齋綺榭諸額皆

聖祖御書

觀蓮所雲涯館額

皇上御書園內築東西二堤長各數百步東堤曰丁香
堤西堤曰蘭芝堤皆通瑞景軒西堤外別築一堤
曰桃花堤東西兩堤之外大小河數道環流苑內
出西北門五空閘達垣外東經水磨村趨清河西
流則出馬廠北注入

圓明園自宮門至此爲

暢春園中路

雲涯館東南角門外轉北過版橋為劍山山上為蒼然亭下為清遠亭由山東轉為龍王廟過清遠亭沿堤而南河上築南北垣一道中有門西向日廣梁門門內為

澹寧居

暢春園冊

臣等謹按蒼然亭清遠亭額

聖祖御書龍王廟額曰甘霖應禱亦

聖祖御書

澹寧居前殿為

欽定曰下舊聞考

卷十六

十五

聖祖御門聽政選館引

見之所後殿為

皇上舊時讀書之處額亦

聖祖御書

乾隆四十年

御製題澹寧堂詩

憶昔垂髫歲

賜居曰澹寧

子十二歲時春園

皇祖養育宮中子暢

無

忘斯黽勉有勒在軒庭遠致要心泰志明惟德馨雖云

述格語而每切

聰聽

〔臣等謹按〕

澹寧堂

御製詩謹繹有關紀述事實者恭載卷內餘不備錄
大東門土山北循河岸西上為

淵鑑齋七楹南向齋後臨河為雲容水態左廊後為

佩文齋五楹齋後西為

葆光東為蘭藻齋

淵鑑齋之前水中敞宇三楹為

欽定日下舊聞考

卷十六

六

藏輝閣閣後臨河為清籟亭

佩文齋之東北向為

養愚堂對面正房七楹為

藏拙齋

淵鑑齋東過小山口北有府君廟

暢春園冊

〔臣等謹按〕

淵鑑齋

佩文齋

葆光齋蘭藻齋

藏輝閣清籟亭

養愚堂

藏拙齋諸額皆

聖祖御書府君廟神像如星君旁殿奉呂祖像

蘭藻齋循東岸而北轉山後西宇三楹為疏峯循岸而

西臨湖正軒五楹為太樸

暢春園冊

臣等謹按疏峯太樸二額皆

聖祖御書

太樸軒之東有石經接東垣即小東門溪北為清溪書

欽定日下舊聞考

卷十六

七

屋後為

導和堂西穿堂門外為

昭回館清溪書屋之西為

藻思樓後為竹軒

暢春園冊

臣等謹按清溪書屋

導和堂

昭回館

藻思樓竹軒諸額皆

聖祖御書

導和堂東穿堂門卽

恩佑寺佛殿後也

乾隆三十三年

御製清溪書屋詩

暢春園中是處爲

皇祖宴寢之所我

皇考改建恩佑寺以奉

御容乾隆癸亥奉移于

安佑宮逮今四十餘年有可以修葺告成敬請瞻仰並

紀是什 書齋樸斲碧溪邊玉几

欽定日下舊聞考

卷七十六

六

親憑宛目前

盱食何由希烈駿

含飴惟是憶恩駢猶仍堂構秋風日迅速光陰冊六年

况此

軒皇成鼎處雲天仰望益愀然

臣等謹按

清溪書屋

御製詩恭載首見之篇餘不備錄

恩佑寺建于苑之東垣內山門東向外臨通衢門內跨

石橋三殿五楹南北配殿各三楹園

暢春冊

臣等謹按

恩佑寺

世宗憲皇帝為

聖宗仁皇帝薦福建于

暢春園之東垣正殿內奉三世佛左奉藥師佛右奉無

量壽佛山門額曰

敬建恩佑寺二層山門額曰龍象莊嚴正殿額曰心源

統貫皆

欽定日下舊聞考

卷七

九

世宗御書殿內龕額曰寶地曇霏聯曰萬有擁祥輪淨

因資福三乘參慧鏡香界超塵皆

皇上御書

恩佑寺之右為

恩慕寺殿宇規制與

恩佑寺同

暢春園冊

臣等謹按

聖祖仁皇帝為

太皇太后祝釐建

永慕寺于

南苑

世宗憲皇帝爲

聖祖仁皇帝薦福建

恩佑寺于

暢春園乾隆四十二年

皇上聖孝哀思紹承

家法于

恩佑寺之側敬構是寺名曰

欽定曰下舊聞考

卷十六

辛

恩慕寺爲

聖母皇太后廣資

慈福正殿奉藥師佛一尊左右奉藥師佛一百八尊南

配殿奉彌勒像北配殿奉觀音像左右立石幢一

刻全部藥師經一勒

御製恩慕寺瞻禮詩山門額曰

敬建恩慕寺二層山門額曰慈雲廣蔭大殿額曰福應

天人殿內額曰慧雨仁風聯曰慈福遍人天祥開

佛日聖恩留法寶妙現心燈皆

御書

乾隆四十二年

御製恩慕寺瞻禮六韻

尊養暢春歷卅冬欲求

溫清更何從

天惟高矣地惟厚慕述

祖兮恩述

宗 南苑永慕寺 皇祖為 太皇太后祝釐所建

今為 暢春園恩佑寺 皇考為 聖祖薦福所建

名兼恩慕亦誌紹承 家法之意云

欽定日下舊聞考 卷七十六 三

聖德寧資冥福報永思因啓梵筵重階臨忍草韶光寂

庭列祥枝 慧蔭濃熳若聞猶優若見耳中

音與目中

容

大慈本悟無生指渺息長懷罔極恭

臣 等謹按

御製恩慕寺詩恭載首見之篇餘不備錄又自劍山

澹寧居一路至此為

暢春園東路

春暉堂之西出如意門過小橋為

玩芳齋山後為韻松軒

楊春園冊

臣等謹按

玩芳齋舊名閑邪存誠

聖祖題額也雍正二年

皇上曾讀書於此乾隆四年燬於火重建此齋

玩芳齋額

皇上御書韻松軒額

欽定日下舊聞考

卷上六

三

聖祖御書

乾隆三十四年

御製韻松軒口號

韻松恒是聽風籟獨喜今朝泛而

濤弘景清音鮮愷澤士元應占一籌高

蘓東坡次韻王滁州詩斯人何

似似春雨謂

王士元也

臣等謹按韻松軒

御製詩恭載首見之篇餘不備錄

二宮門外出西穿堂門為買賣街南垣外為般塢門內

別宇玉楹北向

楊春園冊

臣等謹按買賣街建長河之南岸畧做市廛景物
船塢內停泊大小

御舟小船額曰月波大者一名吉祥舟一名載月舫北
向房額曰西豎接

無逸齋之東門矣

由船塢西行數武卽

無逸齋東垂花門內正宇三楹後跨河上爲韻玉廊廊
西爲松篁深處自右廊入爲

無逸齋門門內正殿五楹西廊內正宇爲對清陰廊西

欽定曰下舊聞考

卷十六

三

爲蕙畹芝原

暢春園冊

臣等謹按

無逸齋額爲

聖祖御書康熙年間

賜理密親王居住嗣理密親王移居

西花園遂爲年幼皇子皇孫讀書之所我

皇上御極後恭詣

暢春園問

安於此傳膳辦事丁酉

大事後爲

倚廬之所齋內

御書周書無逸篇後有

御題十韻韻玉廊松篁深處清齋習靜對清陰蕙晚芝

原諸額皆

御書

乾隆十年

御製無逸齋詩 無逸齋在暢春園中

皇祖所建也葺而新之以爲問安憩息之所得詩二首

欽定日下舊聞考

卷六

書

几有陳編覽齋無玩物憑文淵企深汲道岸仰

先聖堂構期勤肯仔肩懼莫勝永惟心作所

庭訓倚欽承 勝地宜

慈豫高齋味至言荷風涼拂簟竹氣靜當軒坐愛琴書

潤渾忘鳥雀喧壺中承

夏清膝下領

春溫

乾隆三十二年

御製無逸齋詩

全篇曾是履書屏

無逸一篇乃勤政
要旨嘗手書揭屏

展間以資
隨地觀省兩字

名齋括政經憶昔揮毫垂訓典卽今退食每延停七鳴
呼實致忠告四廸哲應緬懿型法遠莫先勤法
近還殷來許慎聰聽

乾隆三十三年

御製無逸齋詩 退食

起居餘勅幾臨碧疏每因仰

羲畫可當去聲讀周書恭已三無奉春光萬象如溪田景

何若乘暇命輕輿

欽定日下舊聞考

卷十六

三

乾隆三十七年

御製無逸齋詩

寢門

安退別館勅幾仍事事罔敢忽孜孜惟用兢勤民恤彼
隱授吏量其能黽勉所無逸

神堯垂訓曾齋額皇
祖御筆也

乾隆三十八年

御製書無逸於無逸齋屏並識十韻

名齋額

皇祖大戒述周公萬世仰

揆藻當年茲

憩躬示端引未發切已惕無窮每以問

安退於斯咨政同日勤恒厲志云逸那萌衷爰更去聲書

屏上仍如勒殿中顯明爾皇考理事處曰勤政殿向會書無逸於屏以為視政龜鑑

民崑

天命凜深嘆永嗟通凡七端往復半千言始終依然此

靈囿恧若奉卑宮即事遵

家法惟欽對

欽定日下舊聞考

卷七十六

三

昊穹

乾隆四十二年

御製無逸齋作 本擬憩遲處向每逢講安後即

之所且以備 聖母起居或偶違豫巨晚猝聞可以

居此侍奉醫藥孰意 升遐乃在御園而此室轉成

苦次曷 禁感痛何期苦幽居哀哀申此日歷歷憶當初因以繹

周訓無殊讀禮書壁多侍

顏什覽更痛沈子

臣等謹按

無逸齋

御製諸詩謹釋有關紀述事實之篇恭載卷內餘不備錄

無逸齋北角門外近西垣一帶南為菜園數十畝北則稻田數頃

無逸齋後循山逕稍東有

關帝廟東過版橋方亭為蓮花巖對河為松柏園

關帝廟後為娘娘殿殿臺方式建於水中

暢春園冊

臣等謹按松柏園河之東岸即蘭芝堤西岸即桃

花堤也

欽定日下舊聞考

卷七十六

七

關帝廟額曰忠義

聖祖御書

凝春堂在

淵鑑齋之西東室三楹為

純約堂其右河廳三楹為

迎旭堂

純約堂東為

招涼精舍河廳之西為灣轉橋橋北圓門為憩雲

迎旭堂後迴廊折而北為曉烟榭河岸以西為松柏室

其左爲

樂善堂別院有亭爲天光雲影松柏室後出山口臨河
爲紅藥亭自天光雲影後廊出北小門登山東宇爲綠
窻山北爲回芳墅紅藥亭東爲秀野亭自回芳墅北轉
山口過河水中傑閣爲藥珠院

暢春園冊

臣等謹按

凝春堂舊時無額因東室

純約堂爲

聖祖御題卽稱爲純約堂乾隆十二年重修以奉

欽定日下舊聞考

卷七十六

三

聖母慈豫

皇上御題是額今

純約堂額尙懸東室舊處堂內

御書額曰導和頤性松柏室額曰翠崑山房北小門外
山間磚門上鐫極覽二字藥珠院綠窻額皆

聖祖御書曉烟榭

迎旭堂皆隸書天光雲影紅藥亭皆篆書藥珠院內額
曰憑虛暢襟

皇上御書

乾隆十二年

御製純約堂詩 暢春園之純約堂

皇祖時所建也朕既奉

皇太后駐蹕於此因畧爲修葺以供夏清落成侍宴敬

成近體 軒榭貽

皇祖佳名純約垂清溫奉

慈豫丹牖秧板施今日成新落清和正好時指山傾北
斗俯水是西池麗景窻中納瑤圖座上披卽看階砌畔
應茁萬年枝

欽定日下舊聞考

卷七十六

五

乾隆十三年

御製藥珠院詩 暢春苑湖中傑閣數楹上摩清顙下
瞰澄波

皇祖題之曰藥珠院朕奉

皇太后駐蹕是苑每問安視膳於此信乎清都之境不
老之庭也因成長律敬勒壁間 鏡裏岑樓號藥珠網

軒四面遠山圖

堯年寶露猶霑樹

王母香華每降厨地是上清無暑境庭名不老列仙都

六星又見朝南極鸞鶴紛隨瑞靄扶

臣等謹按

純約堂藥珠院

御製詩恭載首見之篇餘不備錄

藥珠院北埠上層臺為

觀瀾榭西河廳三楹東河廳四楹為坐烟棧臺榭後正

宇為蔚秀涵清後為流文亭

暢春園冊

臣等謹按

觀瀾榭額為

欽定日下舊聞考

卷十六

三

聖祖御書榭內額曰與物皆春及坐烟棧蔚秀涵清皆

皇上御書

乾隆十三年

御製九月五日詣暢春園恭請

皇太后聖安即視事於觀瀾榭引見于大西門其地長

樓橫亘即

皇祖曩時閱射處也爰親御弧矢集近侍諸臣較射時

惟深秋風高日晶氣候清肅弓手相調連發二十矢中

一十有九儒臣侍列與觀者援唐臣元武闕觀射故事

賦詩進覽因用侍郎齊名南韻成四律紀之 暢春松

柏茂南山

王母樓臺瑞靄間侵曉間

安欽養志競辰考政敢偷閒惟寅宗伯應輪直啓事山

公更合班

是日禮部值班奏事吏部亦帶領引見

次第指揮還有暇便教

玉靶一親彎

延樓橫嶺正相當遙見扶空樹葉黃

示儉已看霏細草縱禽底用獻長楊論文誰繼伯僑庶

較藝原多斛律光安不忘危古有戒金川况未靖天狼

憶年十二此呼嵩

欽定日下舊聞考

卷十六

三

聖眷靈承衆不同每向月輪能中鵠遂蒙

天笑亦頒弓

子侍

皇祖于此閱射時年甫十二蒙

皇祖指授射法輒能發矢命中仰荷

嘉獎倏忽

甘餘年矣 玉墀肅列猶鴛鴦匡衛紛趨如虎熊我遜貞

觀能致治且循習射教臣工 秋原馭娑一鳴鞭遠入

烟堤近柳前橫過綠殘紅重嶺俯看雲白菊黃天幙頭

導中誠堪笑

元周密燕射記淳熙元年孝宗幸玉津園講燕射禮立招箭班紫衣幙頭立於堦前

御箭之來能以幙頭取勢轉導入的

連網周隄未是田歷覽西成堪額慶

敢忘兢業詡豐年

臣等謹按

觀瀾榭

御製詩恭載首見之篇餘不備錄

藥珠院之西過紅橋北為

集鳳軒軒前連房九楹中為穿堂門門北正殿七楹殿

後稍左為月崖其右有亭為錦陂度河橋西為俯鏡清

流暢春園冊

臣等謹按

集鳳軒月崖錦陂俯鏡清流諸額皆

聖祖御書軒正殿外簷額曰執中含蘇內額曰德音欽

欽定曰下舊聞考

卷十六

三

式皆

皇上御書由俯鏡清流穿堂門西出循河而南即大西

門延樓四十二楹其外即

西花園之馬廐也

乾隆十四年

御製集鳳軒詩 孟夏下浣之七日

皇太后賜膳於暢春園之集鳳軒是地近大西門去歲

習射於此發矢二十中十九因用齊名南韻成詩四首

勒於壁間茲以侍

膳視事之暇陳馬技以娛

慈顏親發十矢復中九且破其的者三焉

聖母豫悅仙苑增春輒疊舊韻以誌歲月

萱齡長此祝如山鏡面軒齋圖書間樂對清陰蒲節近
欣陪

色笑鳳樓間勸餐敬進仙厨膳視事旋催朝士班馬技

更陳新雨後遙峯澄景黛蛾彎 封事籌裁懼弗當無

私兢業奉

元黃蒐材常冀空羣駿較武均期中葉楊每切祈年咨

欽定日下舊聞考

卷十六

三

稽務豈惟問景賞烟光賢臣集事窮番服烽息今休戍

白狼

去歲金川用兵故有金川况未靖天狼之句今大學士忠勇公傅恒平定金川奏凱還朝復值時雨

常霑稍解

心殷

愛日奉維嵩涼室溫閨地不同

集鳳軒亦新修飾以奉夏清之所

喜向

座前親捧爵更看樓外競彎弓高岡萋萋將儀鳳閒館

蠅蝟陋射熊

家法儀型巍蕩近此勤民政亮

天工 宰地楊絲拂玉鞭蘭舟遙待葦洲前試調馴馬

雲中錦便泛澄波鏡裏天疊賦新詩酬勝會喜緣甘雨

遍公田惕乾未敢忘初志多故猶然憶去年

乾隆二十五年

御製題集鳳軒詩 養

志冬常駐園問

安暇此題軒豈必誰皆真集所喜萋葦猶存論材羣引

廣厦較射兼御西門

問 安日視事此軒於大西門較射尤便

寶額永輝

聖日含飴敢忘

深恩

欽定日下舊聞考

卷十六

三

乾隆三十五年

御製詣暢春園問

皇太后安詩 望雨子心切相關

聖母同幸因霑渥澤可以慰

慈宮砌草濃含露池荷細引風敞軒宜

夏清集鳳

聖母所居軒名 有萋桐

臣等謹按

集鳳軒

御製詩謹繹有關紀述事實者恭載卷內餘不備錄

集鳳軒後河橋西爲閘口門閘口北設隨牆小西門北
一帶構延樓自西至東北角上下共八十有四楹西樓
爲天馥齋內建崇基中立坊自東轉角樓再至東面樓
共九十有六楹中樓爲

雅玩齋天馥齋東爲紫雲堂

暢春園冊

臣等謹按天馥齋牌坊前額曰日窮寥廓後額曰
露澄霞煥紫雲堂之西過穿堂北爲西北門卽苑
牆外也

又按自

欽定日下舊聞考

卷十六

三

宋元符校

玩芳齋至此爲

暢春園西路再西則爲

西花園矣

欽定日下舊聞考卷七十六

